

贈清風散人

勤勤物外修謹謹心中掃漸漸絕塵緣細細通玄奧
靈靈大藥成燦燦神光好得得遇仙槎穩穩歸蓬島

和師韻

三光固下元六度清中闕九轉上元燈照見長生月
無分晝夜明光彩連綿發顯出箇胎仙生死今番越

寄晏公

休心絕是非滅意除人我酒色財氣無生死輪回趣
祥光結寶花玄露成珠顆自是遇仙槎便得攜雲朶

又

道藏輯要

漸悟集

五

胃集七
卅〇上

名成好息心利遂堪回首猿馬不輕狂龍虎相交媾
常教玉戶開莫使金關漏九轉大丹成萬劫神清秀

養家苦

贈甯伯功

養家苦火坑深萬塵埋沒不能禁遇風仙物外尋
修行好鍊陽陰淨清能見水中金現光輝罩寶琴

養家苦鎮常忙忙來忙去到無常作陰囚住鬼房
修行好不曾忙閑閑裏守真常得修完玉洞房

養家苦瞻他人衣豐食足尚嫌貧運機心喪了真
修行好作閑人自然憂道不憂貧鍊頑心養至真